



Publicaziuns dalla vischnaunca, jamna 05

Damondas da baghegiar

2023-1003.000

Datum dalla publicaziun: 3 da fevrer 2023

Il patrun: Markus & Beatrice Bühler-Vetsch, Wildsbergstrasse 13, 8606 Greifensee
Il representant: Coray Capaul architectura e habitar GmbH, Via Lucmagn 4, 7180 Disentis/Mustér
Intenziun: Construcziun nova d'ina casa da pliras famiglias ed ina garascha sco annexa
Parcella: 2326
Adressa: Via Plauns 15, 7180 Disentis/Mustér
Zona: Zona da habitar 2 (H2)
Zona da prighel: Negina
Plan da quartier: Acletta Sid

2023-1004.000

Datum dalla publicaziun: 3 da fevrer 2023

Il patrun: Oliver Rudolf Kronat, Nell-Breuning-Strasse 20, 60596 Frankfurt am Main (DE)
Il representant: Coray Capaul architectura e habitar GmbH, Via Lucmagn 4, 7180 Disentis/Mustér
Intenziun: Construcziun d'in baghetg annex alla casa d'ina famiglia cun engrondaziun dalla surfatscha da habitar
Edifeci nr. 152
Parcella: 747
Adressa: Via Sogn Gions 11a, 7180 Disentis/Mustér
Zona: Zona dil vitg (V)
Zona da prighel: Negina

2023-1006.000

Datum dalla publicaziun: 3 da fevrer 2023

Il patrun: Baseli Jacomet, Via Crestas 28, 7183 Mumpé Medel
Il representant: Baseli Jacomet, Via Crestas 28, 7183 Mumpé Medel
Intenziun: Sanaziun parziala dalla fatschada e sanaziun dil tetg cun ina cuvrada fotovoltaica
Edifeci nr. 470D
Parcella: 2172
Adressa: Via Crestas 28, 7183 Mumpé Medel
Zona: Zona dil vitg
Zona da prighel: Negina

2023-1007.000

Datum dalla publicaziun: 3 da fevrer 2023

Il patrun: Markus Portmann, Bruggwisstrasse 4, 8154 Oberglatt ZH
Il representant: Markus Portmann, Bruggwisstrasse 4, 8154 Oberglatt ZH
Intenziun: Sanaziun energetica digl edifeci nr. 167A, engrondaziun dalla surfatscha da habitar, spazzar igl edifeci annex e construcziun nova dalla annexa per diever da habitar, parcella 621, Via Sontga Gada 11, 7180 Disentis/Mustér
Edifeci nr. 167A/167A-A
Parcella: 621
Adressa: Via Sontga Gada 11, 7180 Disentis/Mustér
Zona: Zona dil vitg (V)
Zona da prighel: Negina

2023-1008.000

Datum dalla publicaziun: 3 da fevrer 2023

Il patrun: Irene De Pretto, Grubenstrasse 47, 9500 Wil
Il representant: Art of Loft AG, Schützengartenweg 3, 9000 St. Gallen
Intenziun: Casa da pliras famiglias cun garascha sutterrana
Parcella: 3652
Adressa: Via Plauns 13, 7180 Disentis/Mustér
Zona: Zona da habitar 2 (H2)
Zona da prighel: Negina
Plan da quartier: Acletta Sid



2023-1009.000

Datum dalla publicaziun: 3 da fevrer 2023

Il patrun: Jenny Fry & Thomas Etter-Fry, Via Alpsu 35, 7180 Disentis/Mustér
Il representant: Studio UH Architects ETH SIA, Via Sursilvana 18, 7180 Disentis/Mustér
Intenziun: Sanaziun energetica digl edifeci 222B, nova habitaziun el plaun terren ed engrondaziun dalla habitaziun el plaun sut il tetg, niev tetg e novas lucarnas
Edifeci nr. 222B
Parcella: 602
Adressa: Via Alpsu 35, 7180 Disentis/Mustér
Zona: Zona da habitar mischedada 3 (HM3)
Zona da prighel: Negina

2023-1010.000

Datum dalla publicaziun: 3 da fevrer 2023

Il patrun: Andriu Maissen ed André Odermatt, Nordstrasse 193, 8037 Zürich
Il representant: Maissen Tarcisi SA, Via Resgias 16, 7166 Trun
Intenziun: Sanaziun dalla mesadad digl edifeci 401, nova annexa pil niev scaldament entras ina pumpa da calira d'aria
Edifeci nr. 401
Parcella: 1154
Adressa: Via Peisel 23, 7186 Segnas
Zona: Zona dil vitg (V)
Zona da prighel: Negina
Plan general da formaziun: Baghetgs e stabiliments prezios ch'ein da mantener

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 3 da fevrer 2023

Uffeci da baghegiar Disentis/Mustér



Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2022-1064.000

Claustra Mustér, Via Claustra 1, 7180 Disentis/Mustér; nova reclama vid la fatschada digl edifeci 196E, parcella 2883, Via Lucmagn 29, 7180 Disentis/Mustér.

Nr. 2022-1068.000

Edith e Serafin Steger-Levy, Via Caselle 39A, 6644 Orselina; sanaziun dalla casa d'ina famiglia, amplificaziun ed izolaziun dil tetg, niev carport cun indrez fotovoltaic, parcella 430, Pardomat 8, 7180 Disentis/Mustér.

Nr. 2022-1072.000

Elisabeth Küng e Claudio Levy, Burgmatt 1, 6340 Baar; niev cundrez fotovoltaic vid la fatschada e sin il tetg, parcella 1319, Via Acletta 8, 7180 Disentis/Mustér.

Nr. 2022-1073.000

Fabian Manetsch, Via Nova 1, 7180 Disentis/Mustér; niev cundrez fotovoltaic el liber, parcella 3878, Via Nova 1, 7180 Disentis/Mustér.

Nr. 2022-1076.000

Andreas Stefan & Birgit Herbster, Bielstrasse 37, 4104 Oberwil; engrondaziun dalla surfatscha da habitar en la stalla existenta, parcella 23, Via Peisel 2, 7186 Segnas.

Disentis/Mustér, ils 3 da fevrer 2023

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

Nr. 2023-2000.000

Julia e Willy Rüegg-Gerber, Am Zopfbach 21, 8804 Au ZH; niev cundrez fotovoltaic sin il tetg, parcella 1383, Via Clavaniev 16, 7180 Disentis/Mustér.

Nr. 2023-2001.000

Jacinta Elmiger, Loëstrasse 74, 7000 Cuera; niev cundrez fotovoltaic sin il tetg, parcella 3002, Via dils Larischs 4, 7180 Disentis/Mustér.

Nr. 2023-2002.000

Alice e Florian Lutz-Deragisch, Via Veier 8, 7180 Disentis/Mustér; remplazzament dalla porta e colurar niev igl esch dalla stalla, parcella 3635, Via Clavau 11, 7180 Disentis/Mustér.

Disentis/Mustér, ils 3 da fevrer 2023

Uffeci da baghegiar Disentis/Mustér



Cussegl da vischnaunca

Rapport dalla seduta dils 27 da schaner 2023

La vischnaunca da Mustér survegn in «Pumppark» **Venderdis, ils 27 da schaner 2023** ha giu liug ella halla Cons la 20avla seduta dil cussegl da vischnaunca dalla perioda d'uffeci 2021/2024. El center dalla seduta ei stau la construcziun d'in «Pumppark» e la discussiun davart il concept d'augmentar l'attractivitat dil vitg. Il cussegl da vischnaunca ha concediu unanimamein in credit da frs. 165'600.– per la realisaziun d'in «Pumppark» sigl areal dil Center Fontauna. Plinavon ei **Remo Huonder** vegnius saramentaus sco niev cusseglier da vischnaunca pil temps restont dalla perioda d'uffeci 2021/24, cun quei che cusseglier **Martino Sabbadini** ha abdicau siu uffeci per la fin dil onn 2022.

Il cussegl da vischnaunca ha il venderdis sera sut l'egida dalla presidenta dil cussegl da vischnaunca **Helga Probst-Linder** concediu per la realisaziun d'in «Pumppark» in credit da frs. 165'600.– (+/- 10% incl. TPV). Ina retscherca en connex cul project «Jugendfreundliche Bergdörfer» per augmentar l'attractivitat dalla vischnaunca tier ils affons e giuvenils en scola ha mussau ch'il basegns per ina tala purschida ei fetg gronds. Cun la realisaziun dil «Pumppark» sigl areal dil Center Fontauna sa la vischnaunca porscher in'ulteriura attracziun per giuven e vegl che cumpletescha la gronda purschida dil Center Fontauna, il qual vegn momentan renovaus ed engrondius.

Plinavon ha il cussegl da vischnaunca priu enconuschientscha dil concept «augmentar l'attractivitat dil vitg». La suprastonza communal ha presentau las differentas mesiras che duein vegnir realisadas el center dil vitg. La finamira ei da schaffir bials plazs da sentupada, augmentar la qualitat dalla formaziun el vitg e crear loghens per star da cumpignia. En quei connex duei era vegnir optimau il sentiment da segirtad amiez il vitg e rinforzau il commerci e la gastronomia. La suprastonza communal vul nezegiar optimalmein il potenzial ch'ei avon maun amiez il vitg per daventar in liug attractiv da habitar per famiglias ed affons, hosps e turists.

Suprastonza communal

Novs pedels da scola

Cun miez 2023 han nos versai pedels da scola Gion e Corina Zazzi visau lur contracts da lavur. La suprastonza communal deplorescha lur decisiun ed engrazia ad els per lur grond e fidau engaschi durant ils davos 12 onns.

Sco novs pedels da scola ha la suprastonza communal eligiu Livio Zanetti da Mustér en pensum cumplein e Delia Bass da Sumvitg en pensum parzial da 50 %. Els entran l'entschatta matg 2023 en survetsch dalla vischnaunca. Nus essan satisfatgs dall'elecziun e selegrein sin ina buna, constructiva e fritgeivla collaboraziun cun nos novs pedels da scola.

Suprastonza communal

Taglia da tgauns 2023

Tenor artechel 7 dalla lescha communal da taglia ei mintga persuna che tegn in tgaun sil territori dalla vischnaunca da Mustér obligada da pagar ina taglia da tgauns. Ulteriur da quei sto il tgaun esser marcaus cun in microchip.

Ils possessurs da tgauns retscheivan directamein in quen per la taglia da tgauns. Quella munta pigl emprem tgaun frs. 120.00 e per mintga ulteriur tgaun ella medema casada frs. 180.00 per onn. Tgauns da polizia, tgauns da schurmetg, tgauns da lavinas sco era tgauns per tschocs e suords ein deliberai dalla taxa.

Adatg!

Possessurs ch'acquistan da niev in tgaun ein vinavon obligai da vegnir enteifer 30 dis persunalmein al spurtegl dall'administraziun communal per cumprovar la registraziun dil microchip. Il conto sin la plattafuorma da datas Amicus vegn endrizzaus entras l'administraziun communal. Mintga possessur d'in tgaun ei obligaus da registrar acquists, surdadas, mortoris ed exports egl exterior d'in tgaun.

Administraziun communal



Clom d'urgenza 118

Preziadas vischinas, prezias vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!

Vos Pumpiers Sursassiala

Entrada anticipada en scoletta

Mintgamai igl uost entran ils affons che han cumplenu il 5avel onn da vegliadetgna tochen ils 31 da december dil medem onn calendar ella scoletta. Tenor la lescha da scola dat ei la pusseivladad d' entrar en scoletta anticipau, quei munta in onn avon.

In'entrada anticipada ella scoletta da Mustér per affons da quater onns ei cumbinada cun claras cundiziuns. Igl affon sto correspunder en siu entir stadi da svilup alla gruppa d'affons pli veglia ed el sa ir entuorn cun las pretensiuns dalla scoletta senza sustegn special. Davart l'admissiun anticipada decidan duas jamnas da fuffergnadi en scoletta.

Dapli informaziuns survegnan geniturs interessai tiel meinascola Roger Tuor (081 936 44 25, meinascola@scoladisentis.ch). Annunzias san vegnir inoltradas tochen ils **10 da mars 2023**. Annunzias suenter quei termin san buca pli vegnir risguardadas.

Cordials salids

Nossa scola populara Mustér.

Fiera nepalesa sil plaz di Catrina Resort

8 da fevrer 2023 dallas 15.00 – 19.00

Guids da muntogna e Sherpas dalla Nepal Mountain Ski Academy passentan zaconts dis a Mustér per far in cuors da skis. Ensemen cun els organischeschan las Pendericolas Mustér ina pintga fiera cun products e spezialitads da Nepal sil plaz dil Catrina Resort – ina buna caschun dad emprender d'enconuscher la tiara e quei interessant project.

Nus selegrein sin Vossa viseta. Ulteriuras informaziuns dattan bugen las Pendericolas Mustér – info@catrina.swiss
